

ليه... ليه

\* \* \*

أشعار عامية مصريه

وضعها

د. فتحى الصنفاوى

أستاذ تاريخ الفن وعلوم الموسيقى

بجامعة حلوان

مؤلف موسيقى، شاعر، كاتب قصة، أديب أطفال

عضو إتحاد كتّاب مصر



إهداء

\*\*\*\*\*

إلى فرسان الكلمة المصرية الشاعرة

إلى كل صاحب رأى وفكر حرّ شريف

إليهم جميعا أهدى هذه الكلمات ،

د . فتحى الصنفاوى

## بسم الله الرحمن الرحيم

### مقدمة

هذا هو ديوانى الشعرى الأول بالعامية المصرية ، أقدمه لك بكل تواضع  
أيها القارئ الكريم ، بعد أن صدر لى ( ٢٢ ) كتابا فى مختلف العلوم والآداب ،  
ومنها كتب فى علوم الموسيقى وتاريخ الفنون وتطورها على مر التاريخ ، وفى  
الفنون والمأثورات الشعبية وموسيقى الشعوب ( الفلكلور ) ، تتناوله جمعا  
وتدوينا وتحليلا وشرحها للعادات والتقاليد التى تمارس بها فى مختلف المناسبات  
الإحتفالية والإجتماعية والدينية ، التى يتعايش معها المواطن منذ ميلاده حتى  
مماته ، وتاريخ الموسيقى العالمية والعربية والإبداع الفردى والجماعى ، صدر  
معظمها عن كبرى دور النشر مثل هيئة الكتاب ، ودار المعارف ودار التعاون  
ودار الهلال والمجلس الأعلى للثقافة .

هذا إلى جانب الكتب الجامعية والثقافية التى تم نشرها بالمجهود الذاتى ،  
وأبضا عشرة مجلدات قصصية للأطفال ، وهناك كذلك تحت الإعداد كتاب للقصة  
القصيرة ، وأبضا هناك الكثير من المقالات والبحوث العديدة فى مجال التخصص  
والإهتمام والمجلات المتخصصة فى الفنون والآداب ، معظمها من إصدارات  
الهيئة العامة للكتاب وإصدارات العلاقات الثقافية الخارجية التى توزع حول العالم  
بعدة لغات .

أما هذا الكتاب الذى بين يديك ، فهو أول تجربة شعرية عامية لى ،  
وهناك تحت التجهيز ديوان آخر بالفصحى ، وكلها محاولات للتعبير عما يجول  
بعقولنا وقلوبنا من مشاعر وأحاسيس عاطفيه ودينية وإجتماعية ووطنية ، وهو

ما بدا واضحا فى إهتمامى المتزايد منذ تخرجى بالإبداعات الشعبية ، وما  
تزخر به القريحة المصرية الشاعرة فى كل مناطق مصر الفلكلورية السبع ،  
( الدلتا والصعيد والنوبة وبدو سيناء ومطروح والبحر الأحمر ومنطقة قنال



السويس ) ، ولكل منها خصائصها وسماتها المميزة ، وقد بهرتنى فنون الموال  
والقصص الشعبي فى الدلتا ، وفن الواو والسير والملاحم الشعبية فى الصعيد ،  
وأغاني الصحبة والصهبجية والحنة السويسى ، وأهازيج البدو . . الخ .  
وكان لفن الموال السباعى النعمانى أثراً واضحاً فى محاولاتى الأولى فى  
هذا الديوان المتواضع ، وهو يقوم على سبع أشطر على قافية عدا البيت  
السادس ، وجاءت معظم القصائد على منواله ، وبعدها . . بدأت أتحرر بدأت  
أنحو إلى الأشكال الأخرى للشعر العامى المصرى المتوسطة والطويلة ، حسبما  
تقتضيه طبيعة المناسبة والموضوع ، تأثراً مباشراً بالأحداث والمناسبات  
الاجتماعية والقومية والوطنية ، وما شابها من إنطباعات نفسية متباينة .  
أرجو من الله العلى القدير أن ينول هذا الديوان المتواضع الإستحسان  
والتقدير ، ولكم منى جزيل الشكر والتحية .

أ د . فتحى الصنفاوى

الزقازيق فى نوفمبر ٢٠٠٧

نُعْمَانِيَات

( ١ )

( ليه )

ليه السيولة مهولة ،

فى الرقص والمغنى

والباكوببساطة ،

يتفرط

بدون معنى

على صدر رقاصة ،

تلوى معاها أوجاعنا

وفنانه قال يتغنى ،

وصوتها يلسعنا

أما لمريض غلبان ،

دواه بعشرة جنيه

نأسف مفيش سيولة ،

والبند ملاوعنا

نصرخ نهاتى ننوح ،

ولا حد يسمعنا

ليه ، ليه

\*\*\*\*\*

( ٢ )  
( المقسوم )

مِنْ شَافِ بِلَاوَى الْخَلْقِ  
هَاتَتْ عَلَيْهِ بِلَوْنَهُ  
وَنَ حَسَنَ بِلَاْمِهِم  
تَهَوَّنَ أَلَامَهُ  
لَوْ قَهَرْتَهُ  
وَالصَّابِرَ عَلَى الْمَكْتُوبِ  
يَرْضَى بِالْمَقْسُومِ  
وَعِشَانَ تَنُولِ الرِّضَى  
إَرْضَى بِكِرْمِهِ وَقِسْمَتِهِ

\*\*\*\*\*

( ٣ )

( قالوا فى الأمثال )

قالوا زمان فى المثل ،

الواد بيطلع لخاله

طبغه وأديه وذوقه

وكل شئ يتخاله

والخال سعيد فرحان

بواد حليوه جاله

أما أبوه ،

مسكين ،

كل الشتيمة ... له

لو إنه ناقص أدب

أو القسط طاله

مهو إلى علم ورئى

غير إلى دلع عياله

زينة الولد أصله ،

لنقول أبوه

ولا خاله

\*\*\*\*\*

## ( غراب البين )

غراب بيسأل جيرانه  
 ليه أنا مزموم  
 تشوفوا وشي تصيحوا  
 غور يا غراب الشوم  
 صوتك وشكلك كنيب  
 وبالغباء مؤصوم  
 صحيح ،  
 طباعى رزيله ،  
 وسلوكى شئى معلوم  
 أحب أصبح ظالم  
 ولا إنى ،  
 أبات مظلوم  
 مباح لى أسرق وأنهب  
 ولا حد يراجعنى  
 ربى خلقنى كده ،  
 طب ليه على اللوم

\*\*\*\*\*

( مُسْتَمَر أجنبي )

خَرَجْتَ أَسْعَى  
وَأَمَلَى سَعْدَى يَوَاعِدُنَى  
قُلْتَ أَمَا جَرَّبَ ،  
لَحْظَى فِى بِلْدَى مَكَائِدُنَى  
وَهَنَّا ،  
أَهْبَشْ أَكْوَشْ  
الْكُلْ يَسْنِدُنَى  
وَلَمَّا أَفْتَحْ جِيوَى  
وَرُشْ الرُّشَهْ يَسَاعِدُنَى  
وَالْعَيْشَهْ تَبْقَى سِبْهَلَلَهْ  
وَلَا حُدْ يِعَا نَدُنَى  
تَفِيضْ بَحُورِ الْخَيْرِ  
وَزَمَانَى يَسْعِدُنَى  
خَيْرَهَا لَغَيْرَهَا الْبِلْدُ دَى ،  
رَبَّنَا يَزِدُنَى

\* \* \* \* \*

## ( قَلَّةُ نَظَرٍ )

يللى إنت ماشى فى حالك

نظرك يدوب

ع القَدِّ

لا حد دارى بيك ،

ولا إنت دارى بحدِّ

حوالك مناظر رضىه

وعيبه ما تتعد

\*\*\*\*\*

بنات كسايا عرايسا

عصا عيص عضم وجلد

وشباب مزوق ضايع

فى الهزل ، مُش ف الجَدِّ

زحام تلوث ،

وفوضى البشر ،

والمناظر والملابس

سبحانه بنعمه بلاك ،

يا رب ليك الحمد

\*\*\*\*\*



## ( شباب اليوم )

سيجاره باتجو جوزة ،

يا بخت أهلك بيبك

جدع مخربش مروش

واد خلاصه ،

شبيك

لا حاسن إنت بروحك

ولا حد حاسن بيبك

\* \* \* \* \*

عايش مشاكس معاكس

حبيبك إلی یجاریک

متبعث غمرک بلاش

مبقاش عليك ولا ليك

وضاع شبابك هدر

والله خساره فيك

بكره الزمن ينفضك ،

يجيب عاليك واطيك

\* \* \* \* \*

( زوجات اليوم )

مِرَاتِي جَتَّتِي  
بِنْت نَاشِفَه مَسْلُوعَه  
وَلَجَل بَخْتِي  
بَقْت طَخِينَه مَكَلَّعَه  
مَلْهَاش لَطُول وَلَا عَرَض  
يَعْنِي ، مُرْبِعَه  
ضَاع كَسَمَهَا  
صَبَحَتْ مَصِيْبَه مَرُوعَه  
أَمَّا تَتَطَّق  
صَوْتَهَا يَشْبَه ، ضَفْضَعَه  
وَلَمَّا تَمْشِي ،  
تَدْبِ تَسْمَعُ فَرْقَعَه  
زِي مَتَكُون  
مِنْ ذَوَاتِ الْأَرْبَعَه

\*\*\*\*\*

( سنين عمرى )

قَاتَلْتَنِي سِنَّكَ كَام

قَاتَلْتَهَا ،

مَتَعَدِّيشْ

سِنِينَ تَجْرُ سِنِينَ

لَكِن الْحَقِيقَةُ مَفِيشْ

غَيْرِ عَمْرٍ عَدَى هَبَاء

وَلَّى بَقَى ،

تَحَابِيشْ

بَدَعَى يَارِب الرِّضَا

تَرْضَى مَتَخَذَلْنِيشْ

تَسْتَرْهَا يَوْمَ الْعَرْضِ

عَنكَ مَتَبَعْدَنِيشْ

يَشْفَعَلَى عِلْمَى وَعَمَلَى

وَحَلْفَه صَالِحَه لِأَنَى

أَخَافُ شَيْطَانَى يَكْدِنَى

يَغْلِبْنَى ،

فَ سَاعَةَ طَيْشْ

\*\*\*\*\*

( قمر سات )

قمر أول ، قمر ثانی  
یا رب کثر اعمارنا  
یشبعونا رقص ومغنی  
یمکن ، تطول بیها اعمارنا  
نغرق سخافه ،  
وشویه هیافه  
تلهینا وحننا داخل دارنا  
\*\*\*\*\*

للفرجه فاضیین لیل ونهار  
ببلاهی نستنی قدرنا  
ملیون دش علی کل وش  
یرش حیره تحیرنا  
وشبابنا غاوی ،  
یشوف بلاوی  
وحجات تسمم افکارنا  
نرجع نقول آه یا بلدنا ،  
امتی عقولنا تنوررنا  
\*\*\*\*\*

## ( طالب قرض )

طالب من الله يوفّقنى

وأخذ قرض

ونا أعمل المطلوب

لو حتى ألقّد قرد

أهبّش وهج

دى سلفه خالصه

من غير ردّ

لو شفت أى فلوس

نفسى ينكرش ونخض

.....

ولأنى ساقط حساب

من خبّتى معرفش أعد

إلا بالمليون ،

ومطّقشى أعد لحد

ولما أصبح نايب

ملايينى ما تتعدّ

.....

( مدارسنا )

يامدارس .. يامدارس

يا مدارسنا

ياما لعبينا وياما غنينا

ويلما هيصنا

ما إتدبنا ولا إتربينا ،

تُهنا لُصنا

ومعلمنا إلی بهمه ،

بس فلوسنا

والمسؤول عمال بيدش

خوتنا هوسنا

رُص كلام م الغیظ ،

وجعتنا ضروسنا

ضاع العمر ومتعلمنا

خلاص أفلسنا

.....

## ( مُطَرِّب )

فِي نَفْسِي يَنَاسُ أَغْنَى

إِشْمَعْنِي زَعِيطٌ وَمَعِيطٌ

وَلِإِنِّي نَوَيْتُ أَجْرَبَ

حَمَلَلَسِي كَأَمِ شَرِيطٌ

شَهْرَ إِتْنَيْنِ ،

وَرَأَحَ أَصْبَحَ

فِي الْمَغْنَى صَاحِبَ صَبِيتٍ

وَأَكْسَبَ فُلُوسَ بَالِهَبِلٍ

أَمَلَالِي بِيهَا غَيِيطٌ

\* \* \* \* \*

أَصْلَ الْحَكَايَةِ سَهْلَةً

رَقْصَ هَيْصَةٍ تَنْطَيطِ

بَنَاتِ حُلُوبٍ تَنْقَصَعُ

كُورَسَ صَرَاصِيرٍ يَنْسَرِّعُ

لَوْ إِشْتَرَيْتَ شَرِيطِي

حَقِيقُوا عَلَيْكَ دَا عَبِيطُ

\* \* \* \* \*

## تساویح



## ( تسابيح )

سبحانه رب الوجود  
 رب العرش سبحانه  
 زان السما بشموس ونجوم  
 علا شانه  
 سبحانه خلق ابن آدم  
 وسوى الأرض علشانه  
 سبحانه أنعم عليه بالجمال  
 ألوان ف يستانه  
 أرسل إليه المصطفى  
 بأصول الدين وأركانه  
 سبحانه وهبه البيان والعلم  
 وم الزلل صانه  
 خلق عليه ثوب الرضا  
 وبالعفاف زانه

\*\*\*\*\*

## ( مشاريب )

فيه ناس كثير سقاها ربهم  
 شرابا طهور  
 وناس شربوا الخمر منكر  
 حرام محظور  
 والبعض شرب الهم  
 وفي الذنوب مغفور  
 واللى شرب مرار العيشه  
 محتسب وصبور  
 وناس همهم يكون شرابهم  
 حلال ميسور  
 وألوف مناهم يزوروا الحرم  
 ويشربوا من زمزم  
 ونا ، يا رب تسقينى من الكوثر  
 وشوف النور

\*\*\*\*\*

( يا رب سترك )

أَسْأَلُكَ يَا رَبِّ تَسْتُرْنِي  
وَالرِّضَا يَوْمَ التَّلَاقِ  
تَتُوبَ عَلَيَّ وَتَغْفِرْ لِي  
لَتَسْتَمِتَ فِي أَعْدَائِي  
سَمْعِي وَبَصَرِي وَإِدْيَاسِي  
وَلِسَانِي هُمْ سَبَبُ دَائِي  
لَا مَالِي وَلَا جَاهِي نَافِعْنِي  
وَلَا شِفَاعَةُ أُنْيَانِي

\* \* \* \* \*

حَبَائِبِي يَبْعِدُوا عَنِّي  
وَعَمَلِي بَسْ هُوَ الْبَاقِي  
وَفَضْلُ لَوْحَدِي فَظِلَامُ الْقَبْرِ  
تَشْهَدُ عَلَيَّ أَعْضَائِي  
يَا رَبِّ .. خَفَّفْ زَنْقَتِي  
وَتَبَقِيَ صَلَاتِي ،  
تَرِيَاقِي

\* \* \* \* \*

( ليه يا دنيا )

دنيا غروره رخيصه  
 بلاها ، ما تسواش  
 وكل شئ حيزول ويفنى  
 ما يبقاش  
 وللى الكريم عنه راضى  
 ما ينساش  
 إن الحرام كلفته أكثر  
 ولو ببلاش  
 أما الحلال ثوابه وأجره  
 ما ينحاش  
 وللى صابر وقانع بحظه  
 والمكتوب  
 ربّه هداه ،  
 وعنه أبداً ميتخلاش

\*\*\*\*\*

( أَطِيبْ مَطْعَمَكَ )

ساعات نُحِطُ اللَّقْمَ  
تَقِفُ فِي الزُّورِ مَتَنَزِّلُشِي  
مَعْرِفُشِي لِيهِ النَّفْسُ تَزْهَدُهَا  
مَتَبَلِّعُشِي  
وَنَا سَمَّيْتُ بِاللَّهِ وَاسْتَعِذْتُ  
مُ الشَّيْطَانَ يَمْشِي  
يَا رَبِّ أَطِيبْ مَطْعَمِي  
وَاقْبَلْ دُعَائِي ، مَتَحَرِّمُشِي  
عَبْدِكَ مِنَ الْبِرْكَه  
وَأَجْعَلْنِي رَاضِي وَمَعْرِفُشِي  
غَيْرِ الْحَلَالِ ، وَاللَّقْمَ تَبْقَى  
بِسْ مِمَّا طَابَ  
يَا رَبِّ قَصْدِي رِضَاكَ  
وَمُنَا عَيْنِي  
مَتَبَعْدُشِي

\*\*\*\*\*

## إجتماعيات

( قَالُوا ، وَقَلْنَا )

قَالُوا لِلْحَرَامِ إِحْلِفْ  
زَعَقْ وَقَالَ أَشْكُرُكَ  
قَالَ لِلْيَهُودِ السَّلَامُ  
قَالَ لَهُ الْعُمَرُكَ  
قَالُوا لِلخَوَاجَةِ ،  
مِيزَانُ الْعَدْلِ عِنْدَكَ شُرُكَ  
قَالَ يَا قَرِيبِي إِسْمَعْ  
لَوْلَا يَا مِينَ يَسْتُرُكَ  
لَوْ إِتَّخَذَ كُلُّ الْعَرَبِ  
مِينَ يَنْصُرُكَ  
قَلْنَا يَا رَيْتَ ،  
وَعُمَرُ يَا رَيْتَ  
مَحْتَمَى الْبَيْتِ  
قُلْتُ حَنْصَبِرُ لَمَّا  
تَلَاقَى الْجَارُ السَّوْهُلُكَ

\*\*\*\*\*

( ليه يا عارف )

عارف مهوش عارف  
 إن العلم والمعارف شيء مهم  
 وإن كان وعي وعرف  
 إن السلام فرض كان إهتم  
 وأن الجاهل والمتجاهل  
 شيء مش سهل وحاجه نعم  
 مش لما تقرا وتكتب  
 تشوف الدنيا بالعقل  
 وتبقى مكم  
 بللى يدور حواليك تفهم  
 أمور الحياه بشكل أعم  
 إقرأ هى أول كلمه م القرآن  
 وبالعلم علم الإنسان  
 والعلم نعمه  
 وإللى يعلم كمان غيره  
 خيرُه يعلم

\* \* \* \* \*



## ( غَزَلُ بِلْدِي )

الواد رايج ،  
 الواد جی  
 یقللی یا بَطَّه  
 متمم عالناصیه  
 تقولشی عمود او یافطه  
 یعاکس ده ویناکف دی  
 مش علق قَطَّه  
 مش عارف اینی شرشوحه  
 ولا استحمل لَطَّه  
 أحسن لك إلتسم وروح  
 بضرب لك بَنَطَّه  
 یمكن تلاقى لك شغلانه  
 وتصیح راجل  
 تلقى ساعتها البطه تقولك  
 أهلا یسطی

\*\*\*\*\*

## ( الصبر )

صابر يا ربى وراضى  
 بالقسمه والمكتوب  
 والى انكتب ع الجبين  
 مقيش منه هروب  
 وقدرت اتحمل عذاب  
 متحملوش أيوب  
 لكن مليش ناعسه  
 تشيل همى ونا تعبان  
 ولا شعرها تغزله  
 وتعمله فستان  
 تدارى بيه صبرها  
 وتصيغه ألوان  
 لكن بقللى العشم فى الله  
 يرضى عنى وتوب

\*\*\*\*\*

( أزمّة ضمير )

قولوا للعالم يناس

فين الضمير

إلى يسكت ع الغنى

ياكل الفقير

والصغير لجل

يفترسه الكبير

وللى ينهب بافترا

عرق الأجير

وللى ميهيش

لنجة مستجير

نو غريب إحتل أرضه

وهذا بيته

دا الجبان بكره يدوق

نفس المصير

.....

( أتمنى )

أتمنى أشوف الناس  
 بتحب بعضيها  
 والكل راضي وسعيد  
 والخير مكفيها  
 والنفس هاديه وقتعه  
 بلى يكتب ليها  
 وللى الهموم على ضهره  
 شايها يرميها  
 والناس تحسن بأمان  
 وقليلة يرضيها  
 تبقى البسمة بلسم رحمة  
 تمسح دمه  
 ع الخد فرت  
 وخضن حنان يمحىها

.....

## ( زمن العجايب )

فاضل إيه ..  
 مشفنهوش فى الزمن الأغبر  
 الرجل بيقتل مراته عشان  
 محطتهوش يفطر  
 والواد بيقتل أبوه ..  
 ليه يقتله قين تسهر  
 والست عالقهاوه قاعده  
 ماسكه الشيشه بتكركر  
 وأخنف ومقطوع النفس  
 صبح مطرب بيتمنظر  
 والأم طفشت ،  
 وسابت عيالها ليوهم الغلبان  
 يا رب إطف بنا وإرحم  
 وإسترها يلى يتستر

\*\*\*\*\*

## ( تخاريف )

واحد صاحبي  
 قبلنى وقللى  
 حقولك سرّ متين  
 دول بيقولوا  
 خلاص راح نقبض  
 شهر يا نوبتين  
 وسط الشهر وآخرة ،  
 وأجازه من يوم عشرين  
 يعنى ساعتها مبقاش عارف  
 أودى فلوسى فين  
 وتبقى السطه ويصبح عندى  
 بدل الشقه إثنين  
 ف مراقبه نصيف  
 وفلوسى أهى برضك  
 باقية وفجاه ..  
 مراتى قللتى متصحى ،  
 حتفضل نايم كده ليلتين

\* \* \* \* \*

## ( عالم دیش )

اِتنین سَتات قاعدین ،  
 قاضینِها ف رَغی وِش  
 مِش یم اَحمَد  
 فاطمه جارتتا  
 جابت دِش  
 شَهر بحالَه لَزقالَه  
 مَحش شاف لَها وِش  
 قعدالَه بس تَبَلق ،  
 لا تَهش ولا تَئش  
 وِعیالِها طوْالی قاعدین  
 لا مذاکره ولا وِش  
 یَتَفَرِّجوا عَلی أَفلام تافِهه  
 وأغانی خلیعَه  
 طبعاً دِی خیبانَه وِناپیَه  
 وِمبَافَمِش

.....

## ( يا مُتَرْفِين )

ليه لما ربنا يغنينا  
 نُدور نبعزق في ترف  
 نصرف فلوسنا بسفاهه  
 وعالز ايل ننجرف  
 تطشنا دنيتنا الفاتيه  
 وبسرعه نفجر ننجرف  
 وتنسى ناس تعبانه عرفاته  
 مناها بس تعيش بشرف  
 وناس بتشقى عشان اللقمه  
 وحاجه جنبها تتغرف  
 يوم الحساب يسألنا المولى  
 عن النعم اللى نلناها  
 سبحانه أودعها لنا أمانه  
 ويكرمها لازم نعترف

\*\*\*\*\*



## ( عالم عيال عيال )

الست عزيزه راحت بيت خالها

تقول للبيت سعاد

إنتى يا بت يا خايه يانايبه

كفايه عليكى قعاد

\*\*\*\*\*

ستتين وننتى ولا خلفتى

ولا جبيلنا ولاد

تعرفى إنى وسنك سننى

كان لى ست عيال

فاطمه وعائده وشاديه وناديه

ومرسى وعبد العال

مليين بيتنا عياط وصويت

شقيت ، والحال بقى حال

رجعت ندمت

وقلت الخلفه دا شين

محسوب له معاد

بلاها عيال مين راح ينفعنا

لا البيت ولا السواد

\*\*\*\*\*

## ( إصرار )

يوم موعيت ودريت  
 لقيتني حظي قليل  
 شلت هموم الدنيا  
 ونا لسنه يدوب عيل  
 وتمرمت وشفت بلاوى  
 بالكيل تتكيل  
 لكن مرضيتنى اطاطى  
 ولخطش واطى  
 حتى زمايلى قالولى  
 متبطلشى تهاتى  
 ايلم وبلاش غم  
 قللتهم دى حياتى  
 لازم اعيش مجبور مستور  
 ولا عمرى حميل

\*\*\*\*\*

## ( خير بلدنا )

ليه يا بلدنا خيرنا كثير

بس إحنا إحترنا

يبقى مصيرنا

نشقى ونتعب

بس لغيرنا

\*\*\*\*\*

هو الخوف ع اللقمة أسرنا

كف بصرنا

وللا قدرنا قهرنا صهرنا

قدر يُعصرنا

ويجرجرنا وراه ساكتين

وياما صبرنا

بيجى اليوم إالى يحزنا

من أفسارنا

محتا عبرنا أيام سوده

والرب نصرنا

\*\*\*\*\*

# حيوانيات

## ( الضحية )

إبعد عني ،  
 سيبنى ف حالي  
 إعمل معروف  
 وللا عشان منا شكلي يغر  
 جى تشوف  
 إن كنت أنفع أبقى ضحية ،  
 سلامة الشوف  
 عمرك شفت  
 خروف منتوف ،  
 لونه مخطوف  
 عضمة مشقى  
 ولا حتلاقى شويرة صوف  
 من غير ليّه  
 وراسى ملوياه  
 وصاحبى بكيه  
 دا مجوعنى وجى بيبعنى  
 بكوزين لوف

\*\*\*\*\*

## ( كلب )

تعبت خلاص وزهقت ،

غلبت طهقت من الإنسان

طول الليل سهران شقيان

وسيدى نايم دفيان

لا يوم ملّيت

ولا يوم كلّيت

وقلت بناس تعبان

.....

أنا كلب صحيح ،

لكنى وفى

غمري ما كنت جبان

من غير أجره

راضى بلفمه وعضمه

ومش بطران

ودا كلّه وهات يا شتيمه

وقلّة قيمه لبويا كمان

يا خلق ، دا جدى وصحبه

ذكرهم ربى فى القرآن

.....

## ( بَسْبَسَة )

بِذْلَعُونِي وَيَقُولُونِي

يَا بَسْبَسَة

مَعَ إِي قَط ،

يَعْنِي وَادِ مَشْ أَنْسَه

وَيَاكِلُونِي حَمَام

وَلَحْمَه مَلْبَسَه

بَقِيَّتْ كَسُول

وَدِي عَادَه مَشْ كَوَيْسَه

\*\*\*\*\*

شَوِيَّهْ أَقْوَمِ الْعَب

بِسْلِكِ الْمَكْنَسَه

وَشَوِيَّهْ أَنْام

فِي حَتَّهْ هَاوِيَهْ مُشْمَسَه

نَاقِصِ عَلَيْهِم

يَبْعَتُونِي الْمَدْرَسَه

\*\*\*\*\*

( يا ٠٠ بغل )

شاوړوا على وقالوا

دا بغل غبى

ولا عندوش عقل

ونا حمل جرار

ومليش فى الدنيا

غير الشغل

ولانى وحيد غليان

مقطوع من شجره

ومليش اهل

بتحمل ظلم الانسان صابر

ع العيشه الصعب

اليوم كله اقول له

كفايه عليه

إهاته وضرب

نفسى ولو مره ف عمرى

أسمع كلمه خب

منا برضه حيوان لى مشاعر

ون قلتولى ٠٠ يا بغل

\*\*\*\*\*



( هَلَّا هَلَّا يَامِيمُونَ )

خف عليه يا صحبى شويه ،

بلاش بهدلة

وللا إكمنى مؤدب

أدھول دھولہ

أشقلب وتنطط

شداتى السلسله

والناس فكرانى مظايط

وناحالتى بلا

لا أكلتنى ولا هنتتنى

ولا ولا ولا ولا ولا

إلى يهكم لم الخلق

عشان تتفرج

منا أصلى ميمون واطى

مهما علا

\*\*\*\*\*

( یا تـور )

بیجنتی لما یقوللی  
 یللا یاتور  
 وَاَنَا فِ حَالِی دایما راضی  
 همدای صبور  
 وِن نرفزنی یجری یفر  
 خایف مذکور  
 وَاَنَا الْأَعَزْل  
 جی یبارزنی بکل شجاعة  
 هو دا عدل وللا رجوله  
 لأدی وضاعة  
 ولاقیه صاحب بقره هزیله  
 وچی ینطاعه  
 یجوز هالی غصبن عنی  
 کده بالزور

\* \* \* \* \*

## ( الحمَار يعترض )

من صغر سنِّي ،  
 ينادونى يقولولى  
 شئى ، يا حمار  
 ونا إالى شقيان  
 وشايل الهم بستمرا  
 لا خنت صاحبى وغدرت ،  
 ولا كَلت حق الجار  
 طيب عفيف النفس  
 ون صحبى على جار  
 صابر وحمال الأسية  
 لكن المهانه مرار  
 أما إالى كاسر نفسى ،  
 يتشائموا ليه بسمى  
 ونا إسمى بيشرفنى  
 ون قالوا شئى ،  
 يا حمار

\*\*\*\*\*

## ( بقرة )

سمعت الناس يقولوا  
 لست تخينه يا بقرة  
 هي البقرة شتيمة  
 وقيل قيمه وعبره  
 لا ، دى حنونه ومشفتاشي  
 منها ما تكره  
 تجر تدور ساقيه  
 تحرت تشقى أهي صابرة  
 طبعها هادي وراضية  
 ون كانت مقهورة  
 كرمها الرب وأنزل فيها  
 آية وسوره  
 كلها بركة ونعمه  
 رمز الخير والبشري

\*\*\*\*\*

شَوِيَّة حُب

## ( آه م الحب )

حرمت لا قول ولا عيد

ولا أكتب فيكى أشعار

ونا عمرى مشفت لبحر

وسحر عنيكى قرار

ويكل بساطه

بنيتى مبيتاً ألف جدار

\*\*\*\*\*

مع إنك لما لمحتى

دموع فرت من شوقى

كان نفسى لمسة حب تتور

ليه طريقى

ونظره حنونه وبسمه

وهمسه تيللى ريقى

لكنك كنتى بالنسبالى

محيط أسرار

حرمت لا قول ولا عيد

ولا أكتب فيكى أشعار

\*\*\*\*\*

## ( الجمال )

قالوا تحب الجمال  
 أنا قلت آه ، يُستحسن  
 يس الألب وجمال الطبع ،  
 والخلق ، أحسن  
 أما الجمال حيزول  
 وحلاوة الروح هي الأضمن  
 إرضى بقى بالشريكه  
 إللى تصون عثرتك ، يمكن  
 تطرح بدينها الخير والبركه  
 تلقى الحياة أهون  
 الكمال لله وحده  
 والمصطفى زين الخالق أحمد  
 وإللى يبهرك حسنة  
 عيره وفلضى ولا يوزن

.....

## ( بنت الجيران )

عزیزتی الرقیقه  
 الحلوه البرینه  
 حبیبتی حنان  
 أحيك وعزك  
 وحبك شاغلنی  
 قوى من زمان  
 لكن أصول المحبة الشریفه  
 بین الجيران  
 تخلىنى ساكت وصابر لما  
 يؤون الألوان  
 \* \* \* \* \*

أحبك طهاره  
 شطاره وأدب  
 عفاف والتزام  
 ويكفينى منك  
 نظره وإشارة  
 تحيه وسلام



ولو إني حاسس  
 إنك سمعتني  
 من غير كلام  
 كل إله عايزه  
 تجاوبيني بس  
 ولو بابتسام

.....

حبيبتي يا جارتى  
 من ساعة مشفتك  
 لمقتك مثال  
 لحسن الخلق  
 والأدب والحنان  
 والكمال والجمال  
 وقضكت أحبك  
 رغم اشتياقى  
 للحظة وصال  
 حبيت سكوتى  
 ورسمت بينى  
 وبينك جبال

.....

أَمْلى نَجْلَكُمْ  
وَعَيْلَتَكَ تَرْحَبُ  
بَجِيرَةِ الْهَنَّا  
وَيَقُولُوا مَشْ دَهْ إِيْنَكُمْ وَحَذَكُمْ  
لَا . . . دَا إِيْنِنَّا  
عَيْنَا عَلَيْهِ مِنْ زَمَانْ  
وَلَا غَبَشَى يَوْمَ عَنَّا  
وَالْبَيْتْ دَى بِنْتِنَا  
وَأَنْتُمْ كَمَا نْ أَهْلِنَا

=====

=====

=====

=====

=====

=====

=====

=====

=====

=====

=====

## تنویعات

## ( العلم )

العلم فرضه الكريم  
 وأمر الناس تتعلم  
 لأن الحروف والمعاني  
 ف طبع الناس يتعلم  
 وللى العلوم متزينوش  
 يبقى عمره متعلم  
 يعيش المعلم ويقضى العمر  
 كله برضه يتعلم  
 ويموت ويفضل علمه  
 لجل الخلق تتعلم  
 تفضل له ذكرى وعلم نافع  
 منه نتعلم  
 ويدعيله بالرحمه  
 كل معلم  
 من علمه إتعلم

.....

## ( طفیلی )

بر غوت لبّلدلی فی حتّه صعبه

ما تنطاش

وقعد یمزّمز مزاج

من نبع ما ینشفش

مهو زی مال سلاب

وصاحبّه ما ینشفش

وغفیرّه نایم جواره

لقببته ما بینمش

بعلو حسنی ز عقت

کفایه ، مینشفش

قللی یا راجل إسکت ،

یعنی ایه ، مشربش

دمک کتیر سیال

ونا جسمی جف مقهش

.....

## ( الناس معادن )

الناس معادن ولكل معدن

عيار وعلامه

وناس جواهر

ولكل جواهر

قيمه وكرامه

ومنهم رخيص مهما على

زى الصفيح خامه

أما الأصيل معدنه زاهى

ون عاش ف دوامه

أصله كريم وعفيف النفس

وخلقته بسلامه

وجوهر الحر مبینشى

إلا فى وقت الضيق

ساعتها تلقاه راجل كلّه

نُبیل وشهامه

\*\*\*\*\*

## ( شوارعنا )

يوم قلت لنفسي ،  
 ف نفسي أنزل أمشي شويّه  
 وكانت طامه  
 لقيت الشارع لَمْ وهيصه  
 وخنقه وزنقه وضيقه وكنمه  
 وقف وسط الزحمة  
 أخذتلى شدّه وزغده  
 وكتف وتلاتين شتمة  
 ضربت لخمه معايا وقلت  
 أنا تبت ، أستاهل ضرب الجزمه  
 دا الناس على بعض  
 ولا فيه نوق  
 ولا فيه همّه ، ولا فيه رحمه  
 بلاها دى فسحه ، ولا إني أتهور  
 وخرج ورجع ونا متعور  
 لَمْ الزحمة بقت مشكله بلا حل  
 صبحت غمّه ، تامة وعامة

\*\*\*\*\*

( أرزاق )

أمرنا الكريم على رزقنا نسعى  
 دى أرض الله براح ومتسعه  
 متقولشى رزقى قليل  
 قوم إسعى  
 ومهما ضاقت تلاقى  
 سكتك واسعه  
 لو النفس مبقتش جشعه أو خسعه  
 وخلقى القنم فى وجه رب رحيم  
 إحسبها صح  
 دا خمسة وأربعة تسعه

\*\*\*\*\*



## ( سيما أونطه )

سيما أونطه ملهاش معنى

وملهاش قيمه

شويّة عرّى ترفّ وقرف

والله دى جريمه

شويه همّ وسكر وشمّ

تفاهه سقيمه

ضرب وظرف

عُنف وسخف

أغاثى عقيمه

كلمات فارغه مفههش ذوق

ومش مفهومه

رقص خليع محشور فى حكايه

ملهاش أصل

كل الفيلم ثقيل الدمّ

قال إيه ..... دى السيمه

.....

## ( بلا تردد )

بلا تردد ،	إِطِيقِ الْحَقَّ بِشَجَاعَةٍ
بلا تردد ،	إِوَعِ تَهْرَبُ مِ الْمَلَامَةِ
بلا تردد ،	مَدِّ إِيْذَكَ بِالْعَطَايَا
بلا تردد ،	وَعِ الشَّفَافِيْشِ إِبْتِسَامَةِ
بلا تردد ،	إِوَعِ تَبَخَّلْ أَوْ تَقْصُرْ
بلا تردد ،	عِ الْغُلَابِيْهِ وَالْيَتَامَى
بلا تردد ،	صَوْنِ لِسَانِكَ قَبْلَ مَا تَصْبِحُ
بلا تردد ،	تَزِيلِ دَارَ النَّدَامَةِ
بلا تردد ،	عَلِّمْ إِبْنَكَ عَفْ بِنْتَكَ
بلا تردد ،	يَسْتُرُوكَ يَوْمَ الْقِيَامَةِ
بلا تردد ،	إِوَعِ تَقْبِلْ شَيْئَ حَرَامٍ
بلا تردد ،	مَهْمَا كُنْتَ تَشْتَهِيهِ
بلا تردد ،	الْحَلَالِ إِحْرَصْ عَلَيْهِ
	تَتَكْتَبِلُكَ السَّلَامَةُ

.....

## ( تَخِيل )

تَخِيل : إن رَغِيف العِيش

مفروود ملفوفة

ونضيف م السوس

تَخِيل : إن شَوَارِع مصر

هاديه وسيعه

منين ما تدوس

تَخِيل : إن العيادات فاضيه

ولا فيش بنّا مريض متعوس

تَخِيل : إن الفصل فى مدرسة ابنك

رايق مش مكبوس

تَخِيل : إن الحوش كله ملاعب

حواليها ورد منور

\* \* \* \* \*

تَخِيل : لما تقضى مصالحك ميقلبكش

ولا وجه عبوس

تَخِيل : صاحب البيت يلقاك

وهات سلامات وحضن وبوس

تخيّل : إنّ العيشه هنيهه  
ولا فيش نيّه نطاطى الروس  
تخيّل : إنّ النور ببلاش  
ولا تحتجشى لأى فأتوس  
تخيّل : إنّ الميه زلال  
طعمها سكر  
ريحها معطر  
تبقى الدنيا مئس سيعاتنا  
ومصرنا تبقى أحلى عروس

\*\*\*\*\*

( معلش )

ليه أخطأنا تمللي كتيره  
صغيره كانت أو حتى كبيره  
بعدها تسمع كذا معلش  
خلاص يا عم فضتها سيره  
\* \* \* \* \*

المخطي بيضنر الناس  
أذى للعين أذى للإحساس  
عادات سخيغه أخذنا عليها  
ملهاش منه ولا أى أساس  
\* \* \* \* \*

والغلطان مبقاش بيهمه  
لحد يلومه ولا حد يلمه  
وكام محامي يدافع عنه  
ولا يعرفشى إيه جرى منه  
\* \* \* \* \*

معلش ، معلش	زياله فرشہ الشارع فرش
معلش ، معلش	ندلق ميہ ع الخلق نرش
معلش ، معلش	نقلق راحة الناس متنمش
معلش ، معلش	يشتم بكلام زى الدبش

\* \* \* \* \*

غلطة عيّل ميفهمش  
 يزور ينصب أستاذ غش  
 شحط واقف يشحت قرش  
 كسر إشاره قزاز يندش  
 عبيط معلش  
 يا باشا معلش  
 يا حرام معلش  
 آسف معلش

\* \* \* \* \*

ترغى تيم تلك تدش  
 عالحق ساكت ومينطقش  
 عامل ضجه زيطة ووش  
 غلط صحيح محيكرش  
 كفايه معلش  
 يسلام معلش  
 يخويا معلش  
 كمان معلش

\* \* \* \* \*

يسد الشارع بشويه قش  
 فتح عربيه وفك المارش  
 شارب بانجو يلطش لطش  
 غش اللبن بمية شرش  
 برضيه معلش  
 سبوه معلش  
 مسكين معلش  
 بخاطره معلش

\* \* \* \* \*

سابق عكسى وقال معرفش  
 قليل الحيا ولا ينكسفش  
 وقح قوى ومتأدبش  
 بتشرب شيشه مبتنكسفش  
 خلاص معلش  
 عارفين معلش  
 معزور معلش  
 بسيطه معلش

\* \* \* \* \*

فقل الطريق بعربية عفش  
 بيجعر والناس مش طرش  
 معلش معلش  
 وماله معلش

حرامی قرار ی ولا بیهیش  
تخین ومبعجر زی الکبش  
فقیر معش  
بفلوسه معش  
\* \* \* \* \*

نشال یجج ولا بیخفش  
غش الضرائب ومبیدفعش  
إبعد ، معش  
خساره معش  
راكن ورقك مهو مقبضش  
غلbian معش  
تلجر سموم له میت وش  
أرزاق معش  
\* \* \* \* \*

دوا الغلايه كمان ینغش  
نایم عالارض من غیر فرش  
یاہ معش  
تعبان معش  
معش معش وكمان معش  
آه معش

\* \* \* \* \*

( من غير ليه )

لَو الْأَحْظَ حَدْ بِيحْلَقْلَى

يُعْصِرْنِي الْقَلْقُ

وَكُلْ مِتَابِعْ كَلَامِي

بَاهْتِمَامْ ، أَتَخْنَقْ

وَأَحْسَ إِنِّي بَتَنْفِضْ

وَيُخَرِّ مِنْ جِسْمِي الْعَرَقْ

وَن كُنْتُ وَقَفْ أَدُوخْ

وَرَأْسِي مِ الصَّدَاعِ يَنْفَلِقْ

\* \* \* \* \*

أَغْرَقْ فِي بَحْرِ مِ الْهَمُومْ

وَخَافْ لِرُوحِي تَنْسَرِقْ

وَأَشْعُرْ كَأَنِّي رَغْمَ عَنِّي

شَيْئٌ مِنْ خَشَبْ

أَوْ مِنْ وَرَقْ

وَإِنِّي حَاجَهُ أَوْ مَجْرَدَ رَقْمْ

فِي الْجَرْدِ مُمْكِنْ يَنْحَرِقْ

\* \* \* \* \*



شعور غريب

ملوش تفسير

غير إني كنت راجل جبان

مع أتي عمري مكنت كدة

لكن ببساطه ، أنا إنسان

رجولتي تمنع أبين ألي

ويصعب على

إني أتهان

\*\*\*\*\*

وساعات م الحيره

أفضتها سيره ،

واقول للنفسى أصبر يا فلان

لحد الجو ميوم يحلو

وأهل السو

يخلولنا الخان

وتروق وتحلى بعد سنين

عشناها فى وحله وبأس

حتى إن مُتْنَا

نموت بشرف وكرامة

رافعين الراس

\*\*\*\*\*

وكننت أتخيل  
 ممكن إيه يجزالي ونا مضطر  
 لو حسيت إني  
 بقيت عبد ف بلدى  
 ونا طبعاً حر  
 أتكلّم أكتب رأيي  
 أفكر أغير  
 من غير ما أضّر  
 مهو لو كنّا نشاور بعض  
 نقول بصراحة  
 كلام لصالحنا يفيدنا  
 يزيدنا تضامناً راحة  
 كلام بأمان  
 كلّه حقايق  
 بلا أدنى وقاحة

\* \* \* \* \*

لكن حصل  
 وف ليلة لمونا  
 فى البكس خدونا  
 لمكان زحمه  
 ضيق ضلمه

وهناك حدفونا

من غير رحمه

مع كام لكمة

بشريط غمونا

وهات ياشتيمة وقلّة قيمه

وسبّ وضرباً

ومفيش نوم

ولا فيش أكل

ممنوع الشرب

\* \* \* \* \*

جكد وشّد ومدّ

وبعدها قالوا ، أهو وعد

لو قلت المطلوب ومضيت

يا ظريف ع العهد

بكره تروّح وإيالك يا خفيف

تحكى دا لحدّ

\* \* \* \* \*

يا ناس حرام منا م الأول

قلّتلكو أنا عيل

عبيط بببيع بكلام فارغ ،

برغى بهيّل

۷۰. ولو قلت مره كلام معقول

يقولوا دا مصهلل

ولما سمعت نكته ،

بسيطه عبطه ضحكت

وتبججت وعليت جسي

واتدهولت

وديني دلوقت شربت

إلى أنا فيه أصبحت

فقدت حياتي

إتعذبت وإتبهذلت

\*\*\*\*\*

قللى الباشا والبيه

جری إيه ، هيه . . . إتعلمت

مكان م الأول دوختنا

دلوقتي عقلت

\*\*\*\*\*

إفتح بيتي ملف جديد

فتش نغيش دور

دعيس قلع لبس

زور ركز

سجل صور

فَبِرِّكَ سَبِّكَ

حَبِّكَ شَبِّكَ

لَمَلَمَ خَيْطُ اللَّعْبَةِ

إِمْلَأْ مِلْفَ كَبِيرِ

حَتَّى وَلَوْ عَزَّتْ

كَمَانُ مَيْتٍ عَلَيْهِ

تَبْقَى قَضِيَّتُهُ تَمَامَ

وَيَكْفُونَا عَ الزَّمَنِ الْخَرِيبِ

\*\*\*\*\*

دَهْ حَيِّقْ

وَدَهْ حَيِّقْ

وَإِحْنَا نَرْفَعْ

نِزْوَدَ سَطَرِ

نَوْضَبْ نَشْطَبْ

نَقْلَبْ نَرْفَعْ

وَفِي النِّهَائِهِ

يَنْبَسِطُ الْبَاشَا تَمَامَ وَيَوْعْ

يَلَّا ٠٠ عَ التَّنْفِيزِ الْفَوْرِي

شَهْلُ أَسْرَعِ

\*\*\*\*\*

رَاحْ نَعْمَلْكَ يَا زَبُونِ الْغَيْرِهِ

حكاية مثل

فرجه غير

ونلفك دابر من طنطا

لسجن فى طهطا

لمكتب شبرا

تهلك تفقد اهلك

عمر محد حيعرف

فين ودوك

ولا إيه جرى

ولا ليه أخذوك

على فين حدفوك

رموك دفتوك

\*\*\*\*\*

أصبحت حاله مجرد باله

رقم بلا قيمه من الوفات

وهو يخساره إيه إالى أخذته

مضاع العمر

عدى فات

للعلم فقط حنبغ ناسك

إبنكو كان عيان

وهو مات

\*\*\*\*\*

ويطلع بيان مسكين يا فلان

والله دا كان راجل غلبان

جدع مؤدب

طيب مهذب

صفحته بيضه

دا كان إنسان

ونعزيهم وحنّا حزاني

ونقرا ياسين والفتحه عشائك

لكن أملنا يربّوا ولادك

يكونوا صحيح رجّاله أمثالك

يحبّوا بلدهم

يضحّوا عشائها

بالغالي وبكل نفيس

إن مسّها خاين مدسوس

أو عكر نيلها أي خسيس

\* \* \* \* \*

لكننا بتّوع الأمن

باقيين قاعدين مطرحنا

تجينا أفواج

وتروح أفواج مساكين

لكن إحنا . . . مكنّ

عائشين من غير إحساس

ولا يوم إرتحنا

خافين بيحي علينا اليوم

وندوق ما جرحنا

\*\*\*\*\*

دحنا عبيد سيدنا المأمور

المستور

أبو قلب حنين

لكن ، هو كمان

مجبور

بل أحيانا غصبن عنه

يضطروه

يذل الخلق

ولو كان بينهم

أبوه أو أخوه

=====



( ليه يا ضنايا )

أُمِّي جَتَّتِي زِيَارَه عَزِيْزَه  
تَنوِّرْ أَوْضَتِي  
كِدَه كَام يَوْم  
حَقِيْقَه  
فَرِحْتَ وَإِسْتَبْشَرْتَ  
وَقَلْتَ يَارِيْتُ  
قُدُومَهَا يَدُوم  
بُسْتُ إِيدِيهَا  
وَضَمْتُ قَلْبِي بِخُضْنِ حَنَانِ  
مَسْحَتْلِي هُمُومِ الدُّنْيَا فِ ثَانِيَه  
وَقَعَدْنَا نَحْكِي عَلَي جِرَالِنَا وَالْمَقْسُومِ  
\* \* \* \* \*

وَأَفْتَكِرْتُ أُمِّي  
إِلَى إِخْتَرَهَا وَعَمَرِ دَارَهَا ،  
وَالدِّي الْمَرْحُومِ  
وَفَجْأَه ، سَكَنْتُ وَبَعْدَهَا قَالَتْ  
تَعَالَى هُنَا يَبْنَى ،  
قَرَّبَ قَوْمِ

عندى كلام عايزه أقولهولك

بدى أعاتبك بدى ألوم

إتفضلنى يمه كلامك أمر

وعلى الطاعه

ونا بيه ملزوم

ربنا بينى بهديك بدىك

ويزيح عنك أى غيوم

\* \* \* \* \*

شوف يحبيبى

ليه مستنى

ولحد الآن

عايش وحديك

مسكين محروم

م اللقمه الحلوه

وركن نضيف بنويك

لا صدر يدفى

ولا كلمه توفى

ولا كف حنين

يمنع شى يندىك

\* \* \* \* \*

نفسى أشوقلك

بنت حلال

تملا البيت

تتونس بك

وسنه والتانيه

أفرح بعيالك

شمع ينور

كده حواليك

ياه بينى

والله ف نفسى

لكن هيه ، ، الله يهديك

\*\*\*\*\*

يمه حاولت لكنى فشلت ،

والناس ملهانش

غير مظهر شيك

أعمل إيه واليد قصيره ،

والخلق ف حيره

طلباتها كتيره

أهالى متعاجبه

وبنات مَش عاجبه ،

تقولشى سفيره وزيره

\*\*\*\*\*

وتقدّمها في حفلة تليق بأميره

هدايا في الموسم والأعياد

وكلّ زياره بخساره كبيره

الفستان معرفشى بكام

وإعمل حسابك في متين صوره

\* \* \* \* \*

فرح في النادى

يكون مش عادى

مُغنى كبير

ورقاصه قديره

بوفيه مفتوح محتاج لأكوف ،

وفرقة زفه تكون مشهوره

المأذون والكوافير

وحجات كتيره مش ميسوره

\* \* \* \* \*

شقّه لو كس تكون مفروشه

بأحسن فرش وأعلى جهاز

سجاد نجف وستاير موضه

ولكلّ أوضه تكييف ممتاز

يعنى عشان أتجوّز

لازم أكون دكتور  
 أو باشا أو أستاذ  
 أشياء مهوله إزاي راح أجيبها  
 دي فوازير  
 لأدى ألعاز  
 ونا يمّه على قد الحال  
 شقيان هلكان مئن قد جواز

\* \* \* \* \*

بالله يابنى متر عكلى  
 كل منايا أشوفك قمت  
 تكمل دينك وتصون نفسك  
 عفيف كما كنت  
 وبكره تلاقى  
 ناس عاقلين  
 يشترروا راجل  
 يستروا بنت  
 وللى مجاش اليوم  
 بكره بالصبر تنوله  
 وشوية وقت  
 ومعاك واحده  
 تاجها أدبها ودينها

تَبَقَى يَازِينَ مَخْتَرَت  
 إِنَّمَا إِلَهِي أَمَلَهَا الْعَفْش  
 مَش رَاجِل يَمَلَّاهَا الْفَرَش  
 حَتَّيْئِدَم يَوْم وَتَقُول يَخْسَارَه  
 طَمَعَتْ نَفْسِي وَدِينِي إِتْهَنْتْ

=====

( يا شاعر )

إشعر وشعل بشعرك  
 مشاعل يا شاعر  
 تنور طريق إلهي شاعر  
 بقرب المخاطر  
 وتهدي القلوب إلى تاهت  
 مبينها الضمائر  
 خلاص مهش قلده تصمد  
 ف وش إلهي داير  
 والناس يتاكل في بعضها  
 والكل حاير  
 \* \* \* \* \*

وناس نايمه صاحيه  
 همها بس القلوس  
 وصبح البشر وحوش  
 تدوس ع الرؤوس  
 تمص دم الغير  
 مثل الناموس

وف كل حَتَّه متاجر

لبيع النفوس

ويا ريت يا شاعر

كلامك يسرّ الخواطر

=====



## ( أهل المغنى )

يا ناس المغنى

كلام له معنى

أصوات رقيقه

توصل مسامعنا

ولحن جميل

وطروب يمتعنا

يزيل الصدا

من بين أضلعنا

ومهش صراخ

يخرق أسماعنا

ولا هوش صداع

يملائنا بماغنا

ولا نواح

وعويل يزعجنا

وموش جعير

مضطرب يسرعنا

والخبيبه ..

فَاكْرَيْنَ دَه يَمْتَعْنَا

فِي الْحَقِيقَةِ ۰۰

دِي كَارْتَه لَعْنَه

إِرْحَمْنَا يَا رَبِّ

وَزِيلْ أَوْجَعْنَا

\*\*\*\*\*

آلِ إِيه ۰۰ آلِ إِيه

أَغَاتِي وَأَلْحَانِ شَابِه

لَا دِي دِيَابِه

بِتَعَوِي فِي غَابِه

وَرَبْمَا دَه نَهِيْق

مِيْتْ دَابِه

هُوْ دَا فَن ۰۰

لَا دِي عَصَابِه

وَشَوِيَه جَهْلَه

رَبُّوْنَا كَابِه

لَا بِيَقْنُوَا

وَلَا بِيَقْنُوَا

أَلْفَاظْ خَايِيَه

وَمَعَاتِي مُعِيْبَه

\*\*\*\*\*

يا ناس ياهوه

الفن رساله

مهوش فلوس

فى الجيب سئاله

ولا إسفاف وتفاهه

دى حاله

بكره تروح

ومسيرها إزاله

زى منسينا

أمثالها كتير

وللى حيقى

ثقافه أصاله

=====

( ليه يا زمانا )

ليه يا زماناً أصبحت بينا  
أسوأ الأزمنة  
صنّح العالم جبان  
والجبن أصلنا  
إنقلب بينا الميزان  
والأرض صبحت سجننا  
والسجان هو الإنسان  
لا يهّمه ولا حيهمنا

.....

الكل صار ساكتاً أطرش ،  
أخرس ملهشى لسان  
حتى العيون غشقت  
غفلت إسترخت  
بقينا عميان  
والخزن والهم  
صار يسرى  
كالدّم فى الشريان

الناس ضجّت من الشكوى

والكل بات طهقان

.....

ولما صار كبرأتنا

وحكماءنا ..

أحسن مفهّم جبان

صبح زملتنا زمن الشؤم

ولوئّه لؤم الغريبان

وجه الغريب بغباننا

سرقنا ..

ويدمر لنا البستان

والمجنون المخبل

يدعونا إهنا

الآن للإيمان

ويدعى العدل

والخريه والمساواه

مثال عسوان

للسفّاحين وظلام البشر

إلى حول أرضهم ميدان

لهذا السبب ..

مبقاش الجوع سبب وحيد

للَهْلَـكِ  
 لَكِن التَّرَفَّ  
 والتَّخَمُّه والزَّحْمَه  
 سبب لهذا وذاك  
 وحيفيد بابه النور  
 والأرض مزروعه بالأشواك  
 والإنسان لو إتكرم من حقوقه  
 يصْبِحَ عنيد شكّاك

\*\*\*\*\*

صَبَحَ القَبِيحَ موضه  
 وتَلَطَّخت بينا الألوان  
 الكلمه فقدت صداها وروحها  
 فى كل لُغَه ولسان  
 صار للضحيج  
 وللضحيج والصخب  
 صوت أعلى م الألحان  
 والعري والفحش  
 والفجر أيامنا  
 همّ الفن والفنان

\*\*\*\*\*

كده ..

بقينا عبيد نفسنا

ونصنا بقوا أوثان

تمائيل منصوبه

متلمعه معرفشى

لمين كان

أصنام صنعناها

ورفعناها بإدينا

صرنا لها رهبان

وأصنام حيّه بضه

ونهدّها وجسمها

تمام عريان

.....

أوثان كبيره بين الأوثان

لكن .. ملبسناها تيجان

أصنام كثيره ع الأرض واقفه

وغيرها ع الجدران

أصنام على المكاتب

مرصوصه

لكن عظيمه الشأن

توقف السائر

إِلا إِذَا عَرَفْتَ

سِرَّ الْمَكَانِ

وَالنَّاسَ صَمَتَهَا وَصَبْرَهَا

جَعَلَهَا أَصْنَامَ

فِي حَجْمِ فِيرَانَ

\* \* \* \* \*

يَا خَلِّقُ . .

زَمَنَ الشَّهَامَةِ مَضَى

مَعْدَشَى فِيهِ فُرْسَانُ

سَيْفِ الشَّرَفِ

إِنْ كَسَرَ وَتَلَوَى

صَارَ خَنْجَرَ الْخَوَانِ

وَأَتَبَلَ الْفُرْسَانَ الْآنَ

أَصْبَحَ مُرْتَشَى

قَوَادِ قَرْصَانَ

إِسْتَرْنَا فِي الدَّارَيْنِ يَا رَبِّ

وَارْحَمْنَا يَا رَحْمَنَ

= = = = =



( لَسَّه فَيِهْ أَمَل )

لِيَهْ كُلْ مَا تَطُولُ بَيْنَا الضِّيقَةُ

نَحْسُ إِنَّا فِ كَرْبِ وَغَمِّ

تَسْوَدُ فِي عَيْنِنَا الدُّنْيَا

نَصْبِحْ غَلَابِهِ

وَيَزِيدُ الشُّؤْمِ

مَعَ إِنْ دَفِينَتْنَا وَسِيعِهِ

وَيُؤَدِّنَا نَجْعُهَا جَنَّةِ

وَلَا نَحْلُ هُمْ

نَقُولُ لِكُلِّ وَسْوَاسِ خَنَاسِ

بَطْلُ بَقِي

رَوْحِ إِتْلَمِ

حِلْ عَنَا

أَعُوذُ بِاللَّهِ

الدُّنْيَا بَيْنَا مَلَاةِ نَعَمِ

لَكِنْ الْأَمَلِ

لَا زَمَهُ عَمَلِ

مَنْسَدُ بَابِ الرِّزْقِ لِحَدِّ

ولسه برضه

الخير موجود ،

ويكره يعود

يسرى ويعم

\*\*\*\*\*

ما دامت الشمس

تطلع بدرى ف معادها

والقمر وراها بيقرش نوره

مواعدها

والعصافير ترقرق

فرحانه وسعيده بوجودها

أما البلابل فيتفرّد

وعاجبها تغريدها

والنحل ما بيكل

يجمع من الزهره حلاوتها

عنده أمل بالعمل

حيلاقى بكره غداه

والنمل شقيان

بيلملم من الأرض

خيراتها

\*\*\*\*\*

الديوك تَدَن  
والكروان ليلاتي  
يسبح بحمد الله  
يقوم الصالحين  
يصلوا الفجر حاضر  
يمجدوه في غلاه  
راضين وصابرين  
وحمدينه قوى  
على نعمته وهذاه  
\* \* \* \* \*

ما دامت السما تمطر  
وتفعل الأرض  
ووجوه البشر  
تروى العطشى والزرع  
والخلق تاكل  
من خير الشجر  
وم البحر خيرات وأرزاق  
متعدين ولا تنحصر  
يفضل الكون يكون فيكون  
زى ما الخلق أمر  
\* \* \* \* \*

وبُكره عُمر الشقى ميدوم

وللى ظلمنا

عُمره زابل

میزدشی ..

ولا حینقص یوم

العیب بس فینا إحنا

سکوتنا خللی علینا اللوم

\* \* \* \* \*

ومدام الأمل والإیمان بالله ثابت

حتعود لنا الأمجاد

وترجع حیاتنا

مجیده هنیه

ملانه بالفرح والإعیاد

وتروق وتحلی

بعد منشیل السواد

م القلوب والعیون

وبالعمل ..

والخوف علی أولادنا

وترابنا نعود أسیاد

= = = = =

( ليه يا بشر )

ليه يا بشر  
 متخوفين ع الكون  
 وربنا فى ايده مصيره  
 وكل شئ  
 مخلوق لحكمه  
 والقرار مهش قراره  
 الشمس ..  
 شعرها منظور خيوطه  
 متكفله بالدقى والإساره  
 والقمر داير ينور  
 ضلّمه الأرض  
 عارف فين مداره  
 الأرض بالزرع تشغى  
 حالفه متخلى جوارها  
 م الجوع حيارى  
 وسلسبيل النيل  
 بيجرى بالخير  
 عمره مغير مساره

والنخله واقفه  
 شارحه سارحه  
 منوره بالبلج  
 زى المناره  
 وحيفضل البحر  
 بالرزق عامر  
 على كفه مراكب  
 الزاد والتجاره  
 والهرم رابض  
 شامخ راسى ف مكانه  
 مش ممكن دماره  
 إتحشم فى جناب الله  
 ميرضاش ربنا لعبده الخساره

=====

( ليه يا بنتى )

عزيزتى بنتى

يللى إنتى كنتى

أملى تصبى

لضهرى دعامه

لو عرفت أعلم

وربى وأدب

وأوصلك بيدى

لبر السلامه

مهو بينتى

راح تسندينى

أعدى السراط

يوم القيامة

وبرضه أنتى

راح تسترينى

وتونسينى يوم الندامه

\* \* \* \* \*

الحجاب ، مُش تغطى الراس

وجسدك كاسى عارى  
 جسمك متبششى خدوده  
 والزينه متبششى لغيرى  
 لما ييجى ابن الحلال  
 هو بس تبقى حرمه  
 يختلى بيكى حلاله  
 ان كان فى داره  
 او فى دارى

\* \* \* \* \*

لكن يا بنتى للأسف  
 مقدرتش أحميكى  
 من نفسك لألك إنتى  
 خنتى الأمانه مصنتهاشى  
 ولا صيرتى ولا صمدتى  
 ف وش الضلال إالى سائر  
 ع الموضه والزينه  
 إنحرفتى وإنجرفتى

\* \* \* \* \*

زينه البنيت  
 مش بلوزه شفتشى  
 يريتك عرفتى



الأصول وصنتي  
 أنوثتك عفافك وطهرتك  
 مش بنطلونك  
 لكذك عرّضتي  
 بعّتي جسديك  
 صبح فرجه  
 لكلاّب السكك تنهشه  
 وإنتي إلی هنتي  
 عليكي وعلينا  
 يا حسرتي .. بنتي  
 بقست م العرايا البغايا  
 يا رب خدني  
 قبل بنتي متبقی خيبتني  
 ذللي وعاري

=====

( لیه یا ابنی )

لیه یا ابنی ..

مش عاجبینی

حالك إتغیر

صبحت مش إنت ابنی

لیه یا عمری

قوام تسببی

لما أقولك ..

تعالی أقعد آنسنى

بس متقلّیش یا بابا

إتغیرتْ دُنیتنا

وزمانك مش حیناسبنی

عشرین سنه

وإنت ملّزمتنی

صاحی نایم

شایلك ..

ومخبیک فی حُضنی

\* \* \* \* \*

رَبِّى يَشْهَدُ  
 اِنِّى يَبْنِى  
 وَنَا بَصَلَى  
 دِيْمَا اَدْعِيْهِ يَسَاعِدْنِى  
 وَاَعْرِفْ اُرْبِيْكَ  
 شَاب صَالِح  
 يُمْكِنُ مَرْءٌ تَدْعِى  
 اَوْ تَفْتَكِرْنِى  
 مَهْوُ اِنْتِ يَبْنِى  
 حَتَّهْ مَنِّى  
 وَلِلّٰى حِيَصِيْبِكَ كَمَا  
 مَهْوُ رَا حِ يَصْبِنِى  
 مِيْنُ فِى كِبْرِى حِيَسَانْدِنِى  
 يَاخُذْ بِاَيْدِى  
 لَمَّا رَجَلِى  
 تَعْجِزُ تَشِيْلِنِى

\*\*\*\*\*

تَكْذِبُ عَلَى وِتْلَاوَعْنِى  
 وَلَمَّا تَعُوْزْنِى  
 تِيْجِى تَنَافَقْنِى  
 يَوْمَ تَجِيْنِى

تَشْكِيلى حال الدنيا وعيالك

وبهمومك تبتلىنى

إذا كان مهوش

عاجبك كلامى

إلى ربّيتك على الأخلاق

يجينى ..

فضل أبوك وأمك

عليك حتّرفه

بس تراضيه وتراضينى ..

=====

## وطنیات

## ( شعبنا ما يَنْغلب )

الصبر جَمْدُ قَلْبِ شَعْبِ

مِنْغَلِبِ

وَلَا يَنْظَلِمُ وَلَا يَنْحَنِي

وَلَا يَنْضَرِبِ

وَلَوْ سَقَوْهُ الْمُرَّ

مَشَّ رَاحَ يَنْشَرِبِ

وَنَ حَدَّ قَدَمُ نَحُونَا

أَوْ اقْتَرِبِ

مِنْ حَدُونَا أَوْ سَمَانَا

يَشُوفُ عَجِبِ

وَيَلَاقِينَا يَدَ وَاحِدِهِ

وَشَعْبِ وَاحِدِ

وَالْمُفْتَرَى مَهْمَا عَمَلِ

لَا زِمَ يَطْبِ

= = = = =

( ليه يا عرب )

قابلنى صاحبى قللى

مالك لوتك كده مخطوف

إيه إالى تعبك

وللا بدتك عليل دواه بألوف

واللا الهموم والديون

أصحابها وقفه صنفوف

والعيشه قاسيه والناس

ناسيه الود والمعروف

قلت أنا فى الغم من بدرى

شددنى الخوف

لما أفكر حال العرب

زاد العجب يخساره

إنكسار دايم هزاييم

كأنه شئى لنا موصوف

= = = = =

( فین إنت یا عُمده )

تَخِيلْ بِلْدَكْ

ظَايِطَهْ وَلَايِصَهْ

وَمَلْهَاشْ عُمْدَهْ

وَلَا فِيْهَا رَاِجَلْ

هَمَّهْ يَسُوْىْ

بَيْنْ دَهْ وَبَيْنْ دَهْ

وَلَا فِيْهْ مَسْؤُولْ يُوْقِفْ ظُلْمَهْ

وَيَرْدَهْ لِحَدَّهْ

يَبْرُطَعْ يَنْهَبْ

يَذَلْ الْخُلُقْ

وَلَا حَدْشْ قَدَّهْ

وَنَظَامْ يَرْدَعْ

وَقَانُونْ يُوْجِعْ

إِلَّلىْ يِعَاتِدَهْ

\* \* \* \* \*

وَصَاغِبْ الْكَلِمَهْ

غَرِيبْ مَشْ مَنَاْ



وإللى يساتده ٠٠  
 وإللى يعاهده  
 عشان يظلمنا  
 يحقق وعده  
 تعمّر تخرب  
 إيه حيّهمه  
 ومين حيصده  
 والناس صبحت  
 بكم وصم  
 وعنى القردة  
 راجل  
 إشبع يا بقى  
 دا السيف قرب  
 يهجر غمده  
 ولحد مربنا  
 يبتكوا عبده  
 يساتده يقيم العدل  
 يشوف مصالحكم  
 ويصون عهده  
 تصيح بلدك ليها  
 لأول مره ٠٠ غمده

=====

- = د . فتحى عبد الهادى محمد الصنفاوى ، من مواليد كفر الشيخ .
- = أستاذ علوم الموسيقى وموسيقى الشعوب وتاريخ الفنون بجامعة حلوان .
- = مؤسس وأول عميد لكلية التربية النوعية بكفر الشيخ .
- = عضو إتحاد كتاب مصر رقم ٩٠٠ منذ عام ١٩٨٧ .
- = شارك فى العديد من المؤتمرات العلمية بالجامعات وهيئات وزارة الثقافة والجامعة العربية والمجلس الأعلى للثقافة ، فى مصر والخارج .
- = عضو اللجنة العلمية الدائمة للترقية لدرجة أستاذ المجلس الأعلى للجامعات .
- = رشحته جامعة حلوان لنيل جائزة ( التقدم العلمى ) بدولة الكويت فى مجال الفلكلور والمأثورات الشعبية عام ١٩٨٤ .
- = رشحته دار المعارف للطبع والنشر لنيل جائزة دولة قطر فى أدب الأطفال .
- = مجالات الإهتمام : علوم الموسيقى ( الميوزيكولوجى ) ، الفلكلور وموسيقى الشعوب ، تاريخ الموسيقى العربية والعالمية ، أدب الأطفال ، الأشعار الفصحى والعامية ، القصة القصيرة والرواية .
- = له خمسة عشرة كتاب فى الموسيقى الشعبية والتربية الفنية وتاريخ الفنون ، وموسوعات عن الآلات الموسيقية والإنسان منذ بدء التاريخ فى كل بقاع الأرض وفى العالم العالم العربى ، موسوعة الصيغ والمؤلفات والقوالب والرقصات والإبداعات الشعبية الموسيقية الغنائية والآلية على مر الزمان .
- = صدرت له خمس كتب فى أدب الأطفال عن دار المعارف والهلال والتعاون .
- = تحت الطبع الآن مجموعة قصصية قصيرة .
- = عشرات المقالات فى مجالات تخصصه مثل مجلة إبداع ، مجلة القاهرة ، مجلة الفنون الشعبية ، التى تصدر عن الهيئة العامة للكتاب ومجلة مجمع الموسيقى العربية التابعة للجامعة العربية .
- = مقالات عديدة بمجلة بريزم ( Prism ) التى تصدرها العلاقات الثقافية بوزارة الثقافة بالعربية والإنجليزية .

- = بحثاً علمياً منشوراً بمجلة بحوث ودراسات جامعة حلوان وغيرها .
- = له العديد من المؤلفات الموسيقية والمارشات العسكرية والأغنيات الإحتفالية والعاطفية الرفيعة .
- = إشتراك كناقد فنى فى العديد من البرامج الإذاعية والتلفزيونية بالقنوات المصرية الأرضية والفضائية والنيل الدولية والقنوات المتخصصة .
- = رئيس لجان التحكيم الفنية لمسابقات الفنون والآلات الشعبية ، وفرق الموسيقى العربية بالجامعات المصرية المختلفة وقصور الثقافة ، مهرجانات المسرح والموسيقى والفنون الشعبية على مستوى الجمهورية .
- = قام بتدريس التذوق الفنى والموسيقى والغناء والتربية الموسيقية فى كليات الجامعات المختلفة ، والتدريس بالمعهد العالى للموسيقى العربية والكونسرفتاتوار لمرحلة البكالوريوس والدراسات العليا .
- = الإشراف على العديد من الرسائل العلمية بكلية التربية الموسيقية والمعهد العالى للموسيقى العربية ومعهد الفنون الشعبية والنقد الفنى .
- = إلقى العديد من المحاضرات الفنية والثقافية وإشتراك فى الندوات والإحتفالات التى أقامتها قصور الثقافة والجامعات .

=====

والله ولى التوفيق ،

٠١ د فتحى الصنفاوى

أستاذ بجامعة حلوان

## فهرست الديوان

رقم الصفحة	= إهداء	= مقدمة المؤلف
٥	١ - ليه . ليه .	
٦	٢ - القسمه والمقسوم .	
٧	٣ - قالوا فى الأمثال .	
٨	٤ - غراب البيسن .	
٩	٥ - مستثمر إجنبي .	
١٠	٦ - قلّة نظر .	
١١	٧ - شباب اليوم .	
١٢	٨ - زوجات اليوم .	
١٣	٩ - سنين عمرى .	
١٤	١٠ - قمر سات .	
١٥	١١ - طالب قرض .	
١٦	١٢ - مدارسنا .	
١٧	١٣ - مطرب .	
١٩	١٤ - تسايح .	
٢٠	١٥ - مشاريب .	
٢١	١٦ - يارب سترك .	
٢٢	١٧ - ليه يا دنيا .	
٢٣	١٨ - أطيپ مطعمك .	
٢٥	١٩ - قالوا وقلنا .	
٢٦	٢٠ - ليه يا عارف .	
٢٧	٢١ - غزل بلدى	
٢٨	٢٢ - الصبر .	

- ٢٣ - أزمة ضمير . ٢٩  
 ٢٤ - أتمنى . ٣٠  
 ٢٥ - زمن العجايب . ٣١  
 ٢٦ - تخاريف . ٣٢  
 ٢٧ - عالم ديش . ٣٣  
 ٢٨ - يا مُترفين . ٣٤  
 ٢٩ - عالم عيال عيال . ٣٥  
 ٣٠ - إصرار . ٣٦  
 ٣١ - خير بلدنا . ٣٧  
 ٣٢ - الضحية . ٣٩  
 ٣٣ - كليب . ٤٠  
 ٣٤ - بسبسه . ٤١  
 ٣٥ - يا بغل . ٤٢  
 ٣٦ - يا ميمون . ٤٣  
 ٣٧ - يا تور . ٤٤  
 ٣٨ - الحمار يترض . ٤٥  
 ٣٩ - بقرد . ٤٦  
 ٤٠ - آدم الخب . ٤٨  
 ٤١ - الجمال . ٤٩  
 ٤٢ - بنت الجيران . ٥٠  
 ٤٣ - العلم . ٥٤  
 ٤٤ - طفيلي . ٥٥  
 ٤٥ - الناس معادن . ٥٦  
 ٤٦ - شوارعنا . ٥٧

٥٨	٤٧ - أرزاق .
٥٩	٤٨ - سيما أونظه .
٦٠	٤٩ - بلا تردد .
٦١	٥٠ - تخيل .
٦٣	٥١ - مغلش .
٦٧	٥٢ - من غير ليه .
٧٦	٥٣ - ليه يا ضنايا .
٨١	٥٤ - يا شاعر .
٨٤	٥٥ - أهل المغنى .
٨٧	٥٦ - ليه يا زمنا .
٩٢	٥٧ - لسه فيه أمل .
٩٦	٥٨ - ليه يا بشر .
٩٨	٥٩ - ليه يا بنتى .
١٠١	٦٠ - ليه يا ابنى .
١٠٥	٦١ - شعبنا .
١٠٦	٦٢ - ليه يا عرب .
١٠٧	٦٣ - فين إنت يا عمده .
١٠٩	= سيرة المؤلف
١١٢	= الفهرس

رقم الإيداع بدار الكتب : ٢٠٠٧ / ٢٦٢٤٢

ترقيم دولى : I.S.B.N : 977-374-360-8